

სსიპ „სასწრაფო სამედიცინო დახმარების ცენტრი“



სსიპ „სასწრაფო სამედიცინო დახმარების ცენტრი“-ს ელექტრონული
ტენდერის საშუალებით ნაწილები და აქსესუარები სატრანსპორტო
საშუალებებისა და მათი ძრავებისათვის სახელმწიფო (CPV 34300000)
სახელმწიფო შესყიდვა

ს ა ტ ე ნ დ ე რ ო დ ო კ უ მ ე ნ ტ ა ც ი ა

დაფინანსების წყარო: 2015 წლის სახელმწიფო ბიუჯეტი.
სავარაუდო ღირებულება: 86 000 (ოთხმოცდაექვსი ათასი) ლარი.

თბილისი 2015 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დავალება.....	8
3. სახელმწიფო შესყიდვის შესახებ ხელშეკრულების პროექტი.....	13
4. დამატებითი ინფორმაცია.....	16
დანართი №1.....	17
დანართი №2.....	18
დანართი №3.....	19

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით, აფიდავიტის საილუსტრაციო ფორმა იხ. დანართი №3).

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია წარმოდგენილი უნდა იქნას სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-თ გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.6 ამ ინსტრუქციის 1.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

1.7 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს, ელექტრონული გარანტიის მოქმედების ვადა უნდა განისაზღვროს:

- ა) გამარტივებული ელექტრონული ტენდერის შემთხვევაში - არანაკლებ ას ოცი კალენდარული დღით, ეტაპიდან- წინადადების მიღება დაწყებულია;
- ბ) ელექტრონული ტენდერის შემთხვევაში - არანაკლებ ას სამოცი კალენდარული დღით, ეტაპიდან - წინადადების მიღება დაწყებულია.

1.8 ტენდერში მონაწილეობის მისაღებად პრეტენდენტს შეუძლია წარადგინოს წინადადება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით

დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-2 მუხლის პირველი პუნქტის „ლ“ ქვეპუნქტით გათვალისწინებულ ეტაპზე. პრეტენდენტის მიერ წარდგენილი წინადადება ძალაშია აღნიშნული წესის მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.“

1.9 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11 წინადადების წარდგენის დროს პირველ რიგში სისტემაში უნდა აიტვირთოს ტექნიკური დოკუმენტაცია, რომელიც უნდა შეიცავდეს წარმოდგენილი შესყიდვის ობიექტის ტექნიკურ და ხარისხობრივ აღწერას. ამის შემდეგ სისტემის შესაბამის ველში უნდა მიეთითოს წინადადების ფასი (ეროვნულ ვალუტაში), რომელიც არ უნდა აღემატებოდეს შესყიდვის ობიექტის ღირებულებას ან უნდა იყოს შესყიდვის ობიექტის სავარაუდო ღირებულებაზე სულ მცირე ერთი ბიჯით ნაკლები.

1.12 ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.13 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.14 ელექტრონული ვაჭრობის დამატებითი სამი რაუნდი იწყება ძირითადი დროის დასრულებისთანავე. პირველი დამატებითი რაუნდი იწყება ხუთწუთიანი შესვენებით, ხოლო შემდგომი თითოეული დამატებითი რაუნდის დაწყებამდე მიმდინარეობს ორწუთიანი შესვენება. თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც თითოეულ პრეტენდენტს განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.15 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე მაღალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი.

1.16 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.17 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.18 თუ პრეტენდენტის მიერ წარმოდგენილი ტექნიკური დოკუმენტაცია არ შეიცავს ისეთ მონაცემს ან/და შეიცავს ისეთ უზუსტობებს, რომელთა წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე, შემსყიდველი მას განუსაზღვრავს გონივრულ ვადას, მაგრამ არაუმეტეს 3 სამუშაო დღისა ტექნიკური დოკუმენტაციის დაზუსტებისათვის.

1.19 თუ პრეტენდენტის ტექნიკური დოკუმენტაცია შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, რისთვისაც განუსაზღვრავს გონივრულ ვადას, მაგრამ არა უმეტეს 5 სამუშაო დღისა.

1.20 საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტს ასევე, უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები შემსყიდველ ორგანიზაციას წარუდგინოს სისტემის მეშვეობით, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის.

1.21 თეთრ სიაში დარეგისტრირებული მიმწოდებელი თავისუფლდება გამარტივებულ ელექტრონულ ტენდერში/ელექტრონულ ტენდერში საკვალიფიკაციო მონაცემების დამადასტურებელი დოკუმენტების წარდგენის ვალდებულებისაგან, იმის მიუხედავად ითვალისწინებს თუ არა სატენდერო დოკუმენტაცია საკვალიფიკაციო მონაცემების დამადასტურებელი დოკუმენტების მოთხოვნას.

1.22 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.23 პრეტენდენტი ექვემდებარება დისკვალიფიკაციას მხოლოდ შემდეგ შემთხვევებში:

ა) თუმის მიერ წარმოდგენილი ტექნიკური დოკუმენტაცია, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი–ს მე-12 მუხლისმე-5 დამე-6 პუნქტების გათვალისწინებით, არშეესაბამება სატენდერო განცხადებას ან/და სატენდერო დოკუმენტაციას;

ბ) თუ მის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;

გ) თუ ის არ დააზუსტებს ტექნიკურ დოკუმენტაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული

შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი–“ს მე-12 მუხლის მე-6 პუნქტით დადგენილ ვადაში;

დ) თუ ის არ წარმოადგენს საკვალიფიკაციო მონაცემების დამადასტურებელ დოკუმენტებს ამ წესის მოთხოვნათა დაცვით;

ე) თუ ის არის სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი–“ს მე-15 მუხლის პირველ პუნქტით გათვალისწინებული გამარჯვებული პრეტენდენტი და უარს აცხადებს სახელმწიფო შესყიდვის შესახებ ხელშეკრულების დადებაზე ან არ წარმოადგენს ხელშეკრულების შესრულების უზრუნველყოფის გარანტიას;

ვ) თუ სახელმწიფო შესყიდვის შესახებ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“.

1.24 ამ ინსტრუქციის 1.23 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.25 გამარტივებული ელექტრონული ტენდერისანელექტრონულიტენდერისჩატარებისას, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი–“ს მე-2 მუხლისპირველიპუნქტის „ქ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია ამ წესის მე-13 მუხლის მე-2 პუნქტის „ბ“, „გ“, „ე“ და „ზ“ ქვეპუნქტების შესაბამისად.

1.26 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.25 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.27 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი, თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, შესყიდვაში მონაწილე პირებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის

პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.28.ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.29.დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.30.სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.31.ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.32.პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დავალება

2.1. შესყიდვის ობიექტის აღწერილობა:

ცხრილი #1

ავტომობილის სახეობა : უაზი 3962; 39629; 396259

#	საქონლის დასახელება	განზომილება და რაოდენობა	რაოდენობა
1	სამუხრუჭე ხუნდი წინა	კომპლ.	10
2	სამუხრუჭე ხუნდი წინა (ნაკლადკა)	კომპლ.	20
3	სამუხრუჭე ხუნდი უკანა	კომპლ.	10
4	სამუხრუჭე ხუნდი უკანა (ნაკლადკა)	კომპლ.	20
5	ამორტიზატორი წინა	ცალი	4
6	ამორტიზატორი უკანა	ცალი	4
7	წინა ამორტიზატორის საყრდენი ბალიში.რეზინა ამორტიზ.	ცალი	20
8	უკანა ამორტიზატორის საყრდენი ბალიში. რეზინა ამორტიზ.	ცალი	20
9	ტაბიკის საკისარი(სტუპიცა)	ცალი	20
10	ტაბიკის საკისარი (ცაპკა)	ცალი	20
11	მორგვის საკისარი წინა, ჩაშვასთან ერთ.	ცალი	15
12	მორგვის საკისარი უკანა	კომპლ.	15
13	ყუმბარა კომპლ.შარნირი კომპლ.	კომპლ.	2
14	რესორის მილისა რეზინი	კომპლ.	50
15	რესორის ყურები (უშკები)	კომპლ.	14
16	კარდნის ჯვარა(კრესტავინა)	ცალი	40
17	ძრავის საყრდენი ბალიში	ცალი	10
18	გადაცემათა კოლოფის საყრდენი ბალიში	ცალი	10
19	შკორნი	კომპლ.	20
20	მუხრუჭის ვაკუუმი(ბალონი)	ცალი	20
21	მუხრუჭის მთავარი ბალონი თვისი მანქანით	კომპლ.	25
22	მუხრუჭის მანქანა ზედა.ცეპლენიის კომპლ.	კომპლ.	25
23	მუხრუჭის მანქანა ქვედა.ცეპლენიის კომპლ.	კომპლ.	25
24	სამუხრუჭე სისტემის ზამბარა	კომპლ.	5
25	სამუხრუჭე სისტემის მილი	ცალი	2
26	გამთიშველი დისკის რეზინის მილი უკანა	ცალი	5
27	გამთიშველი დისკის რეზინის მილი წინა	ცალი	5
28	გადაბმულობის ქურო	ცალი	15
29	გადაბმულობის დისკი	ცალი	10
30	გადაბმულობის ნაკლადკები თავისი ზაკლოპკებით	კომპლ.	20
31	ვენეცი	ცალი	20
32	მახავიკი	ცალი	5
33	ძრავის მასრის სახურავის საფენი	ცალი	10

34	ძრავის მასრის საფენი	ცალი	10
35	გენერატორის კბილა ღვედი	ცალი	30
36	ანთების სანთელი	კომპლ.	30
37	ანთების კოჭა ტრამლიორი.ელექტრო	ცალი	10
38	ანთების კოჭა ტრამლიორის ტრანზისტორი(კომპუტატორი)	ცალი	20
39	წყლის ტუმბო	ცალი	10
40	გენერატორი	ცალი	5
41	თერმოსტატი	ცალი	10
42	წყლის რადიატორი	ცალი	2
43	სტარტერის ჩოთქები	კომპლ.	40
44	სტარტერის წინა ცხვირი დიდი	ცალი	40
45	სტარტერის წინა ცხვირი პატარა	ცალი	40
46	სტარტერის ბენდექსი დიდი	ცალი	40
47	სტარტერის ბენდექსი პატარა	ცალი	40
48	სტარტერის ღილაკი	ცალი	20
49	საჰაერო ფრთები.ვინტილატორი	ცალი	3
50	წყლის მილები ნახევარდიუმში.კომპლ.	კომპლ.	5
51	სანთლის გაყვანილობა. კომპლ.	კომპლ.	20
52	ბენზო მილები კომპლ.	კომპლ.	5
53	საწვავის საქაჩი	ცალი	15
54	საწვავის საქჩი დიაფრაგმა	ცალი	15
55	გადაცემათა კოლოფის საკისარი(ვიჟიმნოი)	ცალი	20
56	წინა მაშუქის ნათურა(ჰალოგენი)	ცალი	20
57	უკანა მაშუქის ნათურა	წყვილი	50
58	მაჩვენებლის დაფის ნათურა	ცალი	5
59	ხმოვანი საყვირი	ცალი	5
60	მინის მწმენდი წინა	კომპლ.	10
61	რელე ზარიადკის	ცალი	30
62	დენის წყარო.ბაზინა	ცალი	20
63	კილომეტრის მაჩვენებელი	ცალი	10
64	კილომეტრის მაჩვენებლის ტროსი	ცალი	20
65	წინა მაშუქი	წყვილი	4
66	უკანა მაშუქი	წყვილი	4
67	მაყუჩი(გლუმიტელი)	კომპლ.	2
68	მაყუჩის კოლექტორის პრაკლადკა	ცალი	20
69	მაყუჩის პრაკლადკა	ცალი	30
70	მაყუჩის პრაკლადკა ზედნადები.ქვედა	ცალი	30
71	გასაღების სისტემა(ზაჟიგანიის საკეტი)	ცალი	10
72	შუქების ხელის ჩამრთველი	ცალი	10
73	შუქების ფეხით გადამრთველი	ცალი	10
74	მარჯვენა და მარცხენა პავაროტნიკის რელე	ცალი	10
75	ანთების რელე	ცალი	20
76	ზედა მაშუქი(კანარეიკა)	ცალი	5
77	უკანა ხედვის სარკეები	კომპლ.	4
78	საქარე მინა წინა	ცალი	2

79	კარის საკეტები	კომპლ.	10
80	კარის ამწეები	კომპლ.	10
81	შუშის ამწევი სახელურები	ცალი	10
82	ძრავის კოლიცო	კომპლ.	10
83	პორშინი	კომპლ.	10
84	ვკლადიშები	კომპლ.	10
85	კარდანი წინა	ცალი	6
86	კარდანი უკანა	ცალი	6
87	რესორები	ცალი	6
88	კარბუკის კოჟუხი	ცალი	5
89	პერვიჩნიკი	ცალი	10
90	ვტარიჩნიკი	ცალი	10
91	მუფთა 1/2	კომპლ.	10
92	მე-2 სიჩქარე	ცალი	10
93	მუფთა 3/4	კომპლ.	10
94	გადაცემათა კოლოფის სარემონტო კომპლექტი	ცალი	10
95	მუშა ავზი ტორმუხის	ცალი	25
96	მუხრუჭის მანქეტი	კომპლ.	15
97	ნაკანჩნიკი	კომპლ.	30
98	კალოდკები რუჩნიკის	ცალი	5
99	კანეჩკა პლანეტარკა	ცალი	15
100	საკისარი ხიდის	კომპლ.	15
101	ჩოხალი ხიდის	კომპლ.	20
102	სტუპიცის სალნიკი	კომპლ.	20
103	მატორის კოჟუხი	ცალი	5
104	კარბურატორი	ცალი	4
105	კარბურატორი (რემ კომპექტი)	ცალი	15
106	ცეპლენიის ვილკა	ცალი	10
107	ცეპლენიის ზედა ბაჩოკი	ცალი	20
108	ბარაბანი თვლების	ცალი	10
109	რულავოი კალონკა	კომპლ.	5
110	რულავოის სარემონტო	კომპლ.	15
111	ძრავის ბაკალითკა (კბილანა)	ცალი	10
112	ძრავის ჩოხალი	კომპლ.	20
113	ტრამლიორის ხუფი	ცალი	20
114	სტარტერის ტულკები	კომპლ.	30
115	კარის რეზინა	ცალი	3
116	ლაბავოის რეზინა	ცალი	3
117	კარის გარეთა სახელური	ცალი	5
118	კარბუკის საკისარი	კომპლ.	15
119	სინქრონიზატორი	ცალი	20
120	შკორნის შაიბა	ცალი	100
121	ხიდის ჩულოკი უკანა	ცალი	3
122	რედუქტორის ჩაშკა	კომპლ.	3
123	გიდრო მუფთა	ცალი	10
124	ზეთის ნასოსი	ცალი	5

125	რაზდატკის ბალიში	ცალი	10
126	ზეთის ავზის(კარტერის)საფენი	ცალი	5
127	სტარტერი	ცალი	10
128	სტარტერის სარემონტო კომპლექტი	ცალი	10
129	იაკორი	ცალი	10
130	უკანა პოლუისი	ცალი	3
131	კარობკის ხუფი	ცალი	5
132	კარობკის რიჩაგი	ცალი	5
133	ძრავის რასპრედვალი	ცალი	5
134	ძრავის პალევი	კომპლ.	10
135	რუჩნოს ტროსი	ცალი	2
136	კარდნის ჭანჭიკები (ბოლტები)	ცალი	100
137	რაზდატკის ფლიანევი	ცალი	20
138	საკისარი ხიდის	კომპლ.	20
139	გამამღერებლის საკისარი (რაზდატკის პაჩემნიკი)	კომპლ.	20

1. თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოადგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მესამე მანძილამდე. შესაბამისად, შეამციროს საერთო ფასიც.
2. პრეტენდენტი, რომელიც არ არის დამატებული ღირებულების გადასახადის (დღგ) გადამხდელი სატენდერო წინადადება უნდა წარმოადგინოს დღგ-ს გათვალისწინებით, ხოლო სახელმწიფო შესყიდვების შესახებ ხელშეკრულების გაფორმებისას აღნიშნული გადასახადი დააკლდება მის მიერ დაფიქსირებულ სატენდერო წინადადების საბოლოო ღირებულებას.
3. პროდუქციის ჩამონათვალის ცხრილში, შესასყიდი საორიენტაციო რაოდენობა, შესაძლოა შეიცვალოს (გაიზარდოს), ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო სახელშეკრულებო ფასის ფარგლებში.
4. შესასყიდი პროდუქციის ჩამონათვალში მითითებული პროდუქციის რაოდენობა არ წარმოადგენს სავალდებულო შესასყიდ რაოდენობას.
5. შემსყიდველმა შესაძლოა შეისყიდოს არსებული ჩამონათვალიდან მხოლოდ რამოდენიმე დასახელების პროდუქცია.
6. ვაჭრობის შედეგად დაფიქსირებული ერთეულის ფასი არ შეიძლება შეიცვალოს მიუხედავად განხორციელებული შესყიდვის რაოდენობისა.
7. ფასების ცხრილში დაფიქსირებული სავარაუდო ჯამური ღირებულება წარმოადგენს ხელშეკრულების სავარაუდო ღირებულებას და შესაძლოა შემსყიდველმა არ განახორციელოს სრულ თანხაზე შესყიდვა.

2.2. საქონლის მოწოდების ვადები:

2.2.1 საქონლის მიწოდების ვადაა ხელშეკრულების გაფორმებიდან 2015 წლის 31 დეკემბრის ჩათვლით. მოწოდება უნდა განხორციელდეს ეტაპობრივად, შემსყიდველის მოთხოვნიდან 3 კალენდარული დღის განმავლობაში.

2.3. საქონლის მოწოდების ადგილი – ქ. თბილისი, პეკინის ქ. 28 ან შემსყიდველთან შეთანხმებით.

2.4. ანგარიშსწორების პირობები – ანგარიშსწორება მოხდება უნაღდო, მიღება-ჩაბარების აქტისა და შესაბამისი საგადასახადო დოკუმენტაციის წარდგენიდან 20 (ოცი) სამუშაო დღის ვადაში. საავანსო ანგარიშსწორება არ გამოიყენება.

2.5. სატენდერო წინადადება და თანმხლები დოკუმენტაცია შედგენილი უნდა იქნეს ქართულ ენაზე.

2.6. პრეტენდენტის მიერ, სისტემაში ატვირთული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა) პრეტენდენტის რეკვიზიტები, საქართველოს რეგიონებში არსებული სერვის-ცენტრების მისამართები, სატენდერო წინადადების მოქმედების ვადა, ანგარიშსწორების პირობები, სატენდერო დოკუმენტაციის დანართი №1-ის მიხედვით.

ბ) ფასების ცხრილი დანართი №2-ის მიხედვით.

გ) მოსაწოდებელი საქონლის დეტალური მახასიათებლები.

3. სახელმწიფო შესყიდვის შესახებ ხელშეკრულების პროექტი

1. ხელშეკრულების დამდები მხარეები

1.1. ერთი მხრივ, სსიპ „სასწრაფო სამედიცინო დახმარების ცენტრი“, შემდგომში „შემსყიდველი“, _____
_____ სახით და მეორეს მხრივ _____, შემდგომში „მიმწოდებელი“, _____
სახით.

2. ხელშეკრულების საგანი და ღირებულება

2.1. შემსყიდველმა განახორციელა ელექტრონული ტენდერი (SPA -----) ნაწილები და აქსესუარები სატრანსპორტო საშუალებებისა და მათი ძრავებისათვის (CPV 34300000) შესყიდვაზე და მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი ----- (-----
-----) ლარად (შემდგომში „ხელშეკრულების ღირებულება“).

2.2. დანართი #--- მითითებული შესასყიდი პროდუქციის რაოდენობა არ წარმოადგენს სავალდებულო შესასყიდ ოდენობას. რაოდენობის შემცირება არ გამოიწვევს პროდუქციის ერთეულის ფასის ცვლილებას მხოლოდ შემცირდება ხელშეკრულების მე-2 მუხლის 2.1 პუნქტით გათვალისწინებული ხელშეკრულების ღირებულება.

3. შესყიდვის ობიექტის მახასიათებლები

3.1 მოსაწოდებელი საქონლის აღწერილობა და ფასები განისაზღვრება ელექტრონულ ტენდერში მიმწოდებლის მიერ წარმოდგენილი თანდართული დოკუმენტების ----- შესაბამისად, რომლებიც წარმოადგენენ წინამდებარე ხელშეკრულების განუყოფელ ნაწილს.

4. საქონლის მოწოდების პირობები:

4.1. ვადები:

4.1.1 საქონლის მიწოდების ვადა ხელშეკრულების გაფორმებიდან 2015 წლის 31 დეკემბრის ჩათვლით. მოწოდება უნდა განხორციელდეს ეტაპობრივად, შემსყიდველის მოთხოვნიდან 3 კალენდარული დღის განმავლობაში.

4.2. ადგილი:

4.2.1. ქ. თბილისი, პეკინის ქ. 28 ან შემსყიდველთან შეთანხმებით.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

5.2. შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირს წარმოადგენს წინამდებარე ხელშეკრულების მე-15 მუხლის 15.1 პუნქტში მითითებული პირი (დეპუტამენტი/სამმართველო).

5.3. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

5.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ „სასწრაფო სამედიცინო დახმარების ცენტრის“ ლოგისტიკის დეპარტამენტი.

6. ანგარიშსწორება

6.1. მიწოდებული ობიექტის ღირებულების ანაზღაურება მოხდება უნაღდო ანგარიშსწორებით.

6.2. ანგარიშსწორება შემსყიდველის მიერ მოხდება საქონლის მიწოდებისა და აღნიშნულის თაობაზე მხარეთა შორის მიღება-ჩაბარების აქტის გაფორმებიდან 20 (ოცი) სამუშაო დღის განმავლობაში.

6.3. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

7. მხარეთა ვალდებულებები და უფლებები

7.1. „მიმწოდებელი“ ვალდებულია:

7.1.1. უზრუნველყოს „შემსყიდველისათვის“ საქონლის მოწოდება დროულად და ხარისხიანად;

- 7.1.2. უზრუნველყოს გამოვლენილი დეფექტებისა და ნაკლოვანებების აღმოფხვრა საკუთარი ხარჯით.
- 7.1.3 დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2. „შემსყიდველი“ ვალდებულია:
- 7.2.1. მოახდინოს ანგარიშსწორება მიმწოდებელთან ხელშეკრულების პირობების შესაბამისად;

8. მხარეთა უფლება

- 8.1. „მიმწოდებელს“ უფლება აქვს:
- 8.1.1. ხელშეკრულების ფარგლებში მოითხოვოს დროული და სრული დაფინანსება.
- 8.2. „შემსყიდველს“ უფლება აქვს:
- 8.2.1. აწარმოოს მოწოდებული საქონლის ხარისხის და მოცულობის კონტროლი;
- 8.2.2. ცალმხრივად შეწყვიტოს ხელშეკრულების მოქმედება იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ, მიმწოდებლისადმი გაგზავნილ წერილობით შეტყობინებაში მითითებული ვადიდან.

9. ფორს-მაჟორი

- 9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10 ხელშეკრულების პირობების გადასინჯვა

- 10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

- 11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.
- 11.2. თუ ასეთი მოლაპარაკებების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

12. ხელშეკრულების შესრულების შეფერხება

- 12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის,

მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან/ და შესრულების ვადების გადაცდენის შემთხვევაში მიმწოდებელს ეკისრება პირგასამტეხლო შეუსრულებელი ვალდებულების 0,5%-ის ოდენობით ყოველ ვადაგადაცილებულ დღეზე გაანგარიშებით.

13.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14. ხელშეკრულების შეწყვეტა

14.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

14.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების შესრულების კონტროლი

15.1. ხელშეკრულების შესრულების კონტროლს განახორციელებს ხელშეკრულების შესრულებაზე კონტროლის განმახორციელებელი კოორდინატორი, სსიპ „სასწრაფო სამედიცინო დახმარების ცენტრი“-ს ----- დეპარტამენტის ----- სამმართველოს ----- .

16. ხელშეკრულების მოქმედების ვადა

16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

16.2. ხელშეკრულების მოქმედების ვადა განისაზღვრება 2016 წლის 31 იანვრის ჩათვლით.

17. განსაკუთრებული პირობები

17.1. ხელშეკრულება შედგენილია 3 ეგზემპლარად (---- გვერდზე) და თითოეულ მათგანს თანაბარი იურიდიული ძალა აქვს.

17.2. ხელშეკრულების ერთი ეგზემპლარი ინახება - „მომწოდებელთან“, ხოლო ორი - „შემსყიდველთან“.

შემსყიდველი

მომწოდებელი

4. დამატებითი ინფორმაცია

1. სატენდერო წინადადების ღირებულება უნდა მოიცავდეს ამ ტენდერით გათვალისწინებულ შესყიდვასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
2. სატენდერო წინადადების ღირებულება (ერთეულის და საერთო ფასი) წარმოდგენილი უნდა იყოს ეროვნულ ვალუტაში - ლარში.
3. მოსაწოდებელი საქონლის ღირებულების დაფარვა მოხდება ტენდერში გამარჯვებულ პირსა და სსიპ „სასწრაფო სამედიცინო დახმარების ცენტრს“ შორის, გაფორმებული სახელმწიფო შესყიდვის შესახებ ხელშეკრულების პირობების შესაბამისად. საქონლის შესაძენად საფინანსო (საბიუჯეტო) წლისათვის გამოყოფილი ასიგნებებისა და არსებული მოთხოვნის შესაბამისად.
4. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართ 3-ში. დანართი 3-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.
5. სატენდერო დოკუმენტაციის შესახებ დამატებითი ინფორმაციის მიღება დაინტერესებულ პირებს შეუძლიათ წერილობითი მომართვის შემდეგ სატენდერო კომისიის აპარატში, მისამართზე: თბილისი, პეკინის N28 III სართული, სსიპ „სასწრაფო სამედიცინო დახმარების ცენტრი“, სახელმწიფო შესყიდვების სამმართველო. ტელ: 591906906; 555 55 95 99.

საკონტაქტო პირი: ლაშა სხვიტარიძე, ელგუჯა გოდერძიშვილი.

დანართი №1

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____
—

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. ანგარიშსწორების პირობები: ანგარიშსწორება მოხდება უნაღდო, მიღება-ჩაბარების აქტისა და შესაბამისი საგადასახადო დოკუმენტაციის წარდგენიდან 20 (ოცი) სამუშაო დღის ვადაში. საავანსო ანგარიშსწორება არ გამოიყენება.

3. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ა“, „ბ“ ან „გ“ ქვეპუნქტებით გათვალისწინებული ეტაპის დადგომამდე.

ხელის მოწერა და ბეჭედი _____

(მიმწოდებლის უფლებამოსილი პირის სახელი, გვარი)

დანართი №2

ფასების ცხრილი

პრეტენდენტის დასახელება _____

#	ტენდერით გამოცხადებული ნაწილის დასახელება	შემოთავაზებული ნაწილის დასახელება	მწარმოებელი კომპანია/ქარხა ნა	მწარმოებელი ქვეყანა	მიწოდების ადგილი და ვადა	რაოდენობა	ერთეულის ფასი	მთლიანი ღირებულება (ლარი)
1	2	3	4	5	6	7	8	9

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

_____ ლარი
(თანხა ციფრებით და სიტყვიერად)

პრეტენდენტის ხელმოწერა და ბეჭედი _____

დანართი №3

აფიდავიტის ფორმა

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.